

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: - Ministarstvu za odgoj i obrazovanje Kantona Sarajevo

PREDMET: ZASTUPNIČKO PITANJE

Poštovani,

Upućujem zastupničko pitanje, Ministarstvu za odgoj i obrazovanje Kantona Sarajevo:

Kada je planirano raspisivanje konkursa prijem nastavnika, učitelja i profesora u osnovnim i srednjim školama na području Kantona Sarajevo?

Naime, ukoliko konkurs ne bude raspisan najkasnije do 15. jula 2025. godine, značajan broj, prema dostupnim informacijama, više od 100, prosvjetnih radnika izgubit će zakonsku mogućnost ostvarivanja prava na prijem u stalni radni odnos, s obzirom na to da im ističe trogodišnji radni angažman bez prekida.

S tim u vezi postavljam i dopunsko pitanje: kakvu to poruku na ovaj način šaljemo mladim kadrovima u obrazovanju, koji godinama rade u sistemu, a ostaju bez institucionalne podrške za osiguranje osnovne egzistencijalne sigurnosti?

Propust Ministarstva da blagovremeno raspiše konkurse predstavlja direktan udar ne samo na kvalitet obrazovanja, već i na dostojanstvo nastavničkog poziva. Ne može se očekivati puna posvećenost i motivacija u izvršavanju ovog časnog i odgovornog zanimanja ukoliko se prosvjetni radnici nalaze u stanju pravne i radno-pravne nesigurnosti. Raspisivanje konkursa moralo je biti jedan od prioriteta u radu Ministarstva, jer se u ovom slučaju ne radi samo o tehničkom i pravnom pitanju, već o sudbini ljudi koji svakodnevno učestvuju u obrazovanju i odgoju djece, a time i o kvaliteti obrazovnog sistema u cjelini.

Molim da mi se dostavi pismeni odgovor u najkraćem mogućem roku, s obzirom na hitnost i ozbiljnost situacije.

S poštovanjem,

Sarajevo, 27.6.2025. godine

Zastupnik u Skupštini Kantona Sarajevo
Faruk Selmanović